



FORU AGINDUA

Mendi Zerbitzua
Esp. zk.: 2020/187

Foru agindua, Arabako Lurralde Historikoko ehiza modalitateak arautzen dituen araudi orokorra ezartzen duena.

Arabako Lurralde Historikoak badu ahalmena, erkidego osoko erakundeek arautu ez dituzten arlo guztietan, ehiza jarduerari buruzko arauak garatzeko, baldin eta erakunde horiek eman dituzten arauetara moldatzen bada. Ahalmen hori erabiliz, Arabako Lurralde Historikoko ehizaren ekainaren 14ko 8/2004 Foru Araua onetsi zen.

Arabako ehiza jarduera arautzeko, foru agindu bat argitaratzen da urtero, 8/2004 Foru Arauaren 32. artikuluan eta Euskal Autonomia Erkidegoko ehizari buruzko 2/2011 Legearen 31. artikuluan ezarritakoa aplikatuz.

Pilatutako esperientziak adierazten du zenbait alderdik, hala nola baldintza orokorrek, usoen eta birigarroen ohiko pasabideetako ehizak eta basurdearen, orkatzen eta oreinaren ehizaren baldintza espeziifikoek, ez dutela funtsezko aldaketarik jasaten ehiza jardueretan.

Horregatik, komenigarritzat jo da ehiza modalitate horiek denboran irauteko asmoarekin arautzeko arau bat ezartzea, ehiztariek errazago ezagutu eta egoki aplikatu dituzten.

Halaber, beste artikulua bat gehitu behar zaio otsailaren 4ko 55/2013 Foru Aginduari, zeinaren bidez onesten baita Arabako hegazti harrapariekin falkonerian aritzea arautzea, zehazteko ez dela ehiza hegaztiekin ehizatzea joko harrapakinak urratzea edo harrapatzea galarazten duten gailuak dauzkaten harraparien hegaldia.

Foru agindu hau izapidetzeko, urriaren 1eko 39/2015 Legeak, administrazio publikoen administrazio prozedura erkidearenak, jasotako araupetze onaren printzipioei jarraitu zaie, zeinak maiatzaren 23ko 29/2017 Foru Dekretuaren I. eranskineko 3. artikuluan jasota baitaude. Foru dekretu horrek hauexek 3. artikuluan jasota baitaude. Foru dekretu horrek hauexek onesten ditu: izaera orokorreko xedapenak egiteko prozedura, araupetze eta genero eraginaren txostenak egiteko gidak eta araugintza teknikarako jarraibideak. Hala, nahikoa arrazoitu da azaldutako aurrekarietan Arabako zenbait ehiza modalitate arautu behar dela eta, gainera, jarduera arauemaile proportzionatua da, xedea lortzeko ezinbesteko minimora mugatzen baita.

Arabako Foru Administrazioaren Aholku Batzardea entzun da, haren irizpena onartuta, eta Lurraldeko Ehiza Kontseiluari kontsulta egin zaio 2020ko otsailaren 20an izandako bileran.

Aginduzko txostenak aztertuta, Nekazaritza Sailaren egitura organikoa eta funtzionala onesten duen Diputatuen Kontseiluaren otsailaren 9ko 14/2016 Foru Dekretuak ematen dizkidan eskumenen indarrez,



eta Arabako Foru Aldundiko sailak 2019-2023 legegintzaldirako finkatzen dituen diputatu nagusiaren uztailaren 5eko 324/2019 Foru Dekretuaren bederatzigarren xedapena aplikatuz, hau

XEDATZEN DUT

Lehenengoa.- Onestea Arabako Lurralde Historikoan ehizan aritzeko modalitateak arautzen duen araudi orokorra, honekin batera doazen eranskinetan jasotako artikuluen arabera:

I. eranskina Neurri orokorrak

II. eranskina Uso migratzaileak eta birigarroak ohiko pasalekuetan ehizatzeke baldintza espezifikokoak.

III. eranskina Basurdea (*Sus scrofa*) ehizatzeke baldintza espezifikokoak.

IV. eranskina Oreina (*Cervus elaphus*) ehizatzeke baldintza espezifikokoak.

V. eranskina Orkatza (*Capreolus capreolus*) ehizatzeke baldintza espezifikokoak.

Bigarrena.- Aldatzea otsailaren 4ko 55/2013 Foru Agindua, Araban hegazti harrapariekin falkonerian aritzea arautzen duena. Artikulu bat erantsiko zaio, 11 zenbakiarekin, idazketa hau izango duena:

11. artikulua.- Ez da ehiza hegaztiekin ehizatzea joko harrapakinak urratzea edo harrapatzea galarazten duten gailuak dauzkaten harraparien hegaldia.

Azken xedapen bakarra.- Agindu hau ALHAOn argitaratu eta hurrengo egunean sartuko da indarrean.

Eduardo Aguinaco López de Suso
Nekazaritza Saileko foru diputatua
Diputado Foral de Agricultura

María Asunción Quintana Uriarte
Nekazaritza zuzendaria
Directora de Agricultura



I. ERANSKINA

1. artikulua.- Neurri orokorrak

1.1.- Txapelketak.

Arabako Ehiza Federazioaren bitartez egin behar dira ehiza txapelketak baimentzeko eskaerak.

1.2.- Prebentzio eta kontrol neurriak, nekazaritzan, abeltzaintzan, mendietan eta basa faunan egindako kalteengatik.

Martxoaren 17ko 2/2011 Legeak (ehizarena) 34.4 b eta 34.5 artikuluetan eta Arabako Lurralde Historikoan ehiza espezieak kontrolatzeko aparteko neurriak arautzen dituen indarreko foru aginduan xedatutakoa aplikatuz, lurzoruren batean ehiza espezieek egindako kalteak agertzen badira, haiek kontrolatzeko prozedura eta baliabide egokienak baimendu ahal izango dira.

1.3.- Antolaketa neurriak.

1.3.1 Harrapatutakoen parte orokorrak: ehiza esparru baten erakunde edo pertsona esleipendunak ehiza denboraldian esparruan harrapaturikoaren laburpena aurkeztu beharko du urte bakoitzeko martxoaren 1a baino lehen Ehiza eta Arrantza Atalean, horretarako emango zaion inprimakian.

1.3.2 Ehiza jarraipena egiteko urteko planak: ehiza esparruen ehiza jarraipena egiteko urteko planak Ehiza eta Arrantza Atalean aurkeztu behar dira urte bakoitzeko urriaren 12a baino lehen.

1.3.3 Ehiza esparruko matrikula ordaintzea: ehiza esparru bakoitzeko matrikularen tasa Arabako Foru Aldundian ordaindu beharko da urte bakoitzeko ekainaren 30a baino lehen.

1.4.- Ehiza txartelak.

Esparru bati lotutako pertsonen ehiza txarteletan argi eta garbi jarri beharko dira datu hauek: ehiztariaren izena, bi abizen eta NANA, ehiza esparruaren izena, baimendutako ehiza modalitateak, txartelak zein ehiza denboraldirako balio duen, esparruaren entitate esleipendunaren sinadura ulergarria eta, hala badagokio, zigilua.

1.5.- Segurtasun eta babes neurriak.

Pertsonen segurtasuna oro har bermatu ahal izateko, gomendatzen da kolore deigarriko txalekoak erabiltzea ehiza xehean aritzean.

Ehiza modalitate guztietan, esparruan ibilgailuz egiten diren joan-etorrietan, arma zorro barruan eta kargatu gabe eraman beharko da, hau da, muniziorik ez daukala ez biltegian, ez ganberan.

2. artikulua.- Ehiza xehearen modalitateak.

2.1 Saltoan: bakarka egiten den ehiza —ez taldean—, zeinetan ehiztariak, modu aktiboan, oinez eta baimendutako ehiza baliabideez hornituta, txakurren laguntzarekin edo gabe, ehiza xeheko animaliak



bilatu, jarraitu eta haiengana hurbiltzen den, harrapatzeko helburuarekin.

2.2 Eskuan: gehienez ere hiru pertsonak egiten duten ehiza, zeinetan baimendutako ehiza baliabideez hornituta, txakurren laguntzarekin edo gabe eta oinez, ehiza xeheko animaliak era koordinatuan bilatu eta jarraitzen dituzten, harrapatzeko helburuarekin.

2.3 Zelatan edo itxaroten: pertsona batek edo gehiagok egiten duten ehiza, zeinetan ehiztariak, baimendutako ehiza baliabideez hornituta, tiro postu finkoetan zain egoten diren ehiza xeheko animaliak eskura izan arte, harrapatzeko helburuarekin. Modalitate horren barruan daude usoak eta birigarroak ehizatzea neguko migrazioan eta uretako hegaztiak harrapatzea tiro postu finkoetatik.

2.4 Untxiak hudoz: pertsona batek edo gehiagok egiten duten ehiza, zeinetan ehiztariak, hudoen bidez, untxiak gordelekuetatik irtenarazten dituzten, harrapatzeko helburuarekin. Modalitate horretan, aldi berean erabil daitezke baimendutako beste ehiza baliabide batzuk ere.

2.5 Azeriak zulo txakurrekin: pertsona batek edo gehiagok egiten duten ehiza, zeinetan ehiztariak, zulo txakurren bidez, azeriak gordelekuetatik irtenarazten dituzten, harrapatzeko helburuarekin. Modalitate horretan, aldi berean erabil daitezke baimendutako beste ehiza baliabide batzuk ere.

3. artikulua.- Ehiza larria.

3.1 Baimendutako esparruak: oro har, espezie horiek ehizatzeke baimendutako esparruak ehiza larriko esparru guztiak izango dira.

Aurrekoa gorabehera, harrapakin kupoak eman ahalko zaizkie esparruei, baldin eta espezie horien kudeaketarekin arazoak badaude.

3.2 Kupoak: Ehiza espezieen harrapaketa kupoak Arabako Foru Aldundian ehiza arloko eskumenak dituen sailak zehaztutakoak izango dira.

3.3 Munizioa.

Hurrengo paragrafoan ezarritako salbuespenarekin, baimendutako munizio bakarra bala da.

Badago arkuz ehizatzeke aukera, itxarote eta zelata modalitateetan. Horrela egitekotan, arkudun ehiztariak, gainera, ehiza modalitate horretan aritzeko gaitzen duen titulazio egokia eduki beharko dute, urriaren 27ko 155/1999 Foru Aginduan xedatutakoarekin bat etorritz.

3.4 Ehiza larriaren modalitateak.

3.4.1 Uxaldia: taldeko ehiza, honetan datzana: lur eremu jakin batean dauden ehiza larriko animaliak altxarazi eta aurretik tiro postu finko jakinetan, baimendutako baliabideez hornituta, kokatu diren ehiztariengana joatera behartzea.

3.4.2 Bakarkako zelata ehiza: pertsona bakarrak egiten duen ehiza —ez taldean—, zeinetan ehiztariak, modu aktiboan, oinez eta baimendutako ehiza baliabideez hornituta, ehiza larriko animaliak bilatu, jarraitu



eta haiengana hurbiltzen den, harrapatzeko helburuarekin.

3.4.3 Zelatan edo itxaroten: pertsona bakarrak egiten duen ehiza —ez taldekoa—, zeinetan ehiztariak, baimendutako ehiza baliabideak erabiliz, kokaleku finko batean itxaroten baitu ehiza larriko animaliak eskura izan arte, harrapatzeko helburuarekin.

3.4.4 Saltoan: gehienez hiru ehiztarik eta lau txakurrek egiten duten ehiza, zeinetan lurzati jakin batean ehiza larriko animaliak modu aktiboan bilatu eta jarraitzen dituzten, harrapatzeko helburuarekin.

3.5 Harrapatutakoa zigilatzea

Edozein ehiza modalitateetan harrapatutako animalia guztiak zigilatu beharko dira, arrak nahiz emeak, eta edozein adinetakoak ere direla.

Uxaldietan (mistoak nahiz espezifikoak direla) harrapatutako animaliekin, zigilua biltze puntuan jarriko da, betiere esparrua utzi baino lehen.

Gainerako modalitateetan harrapatutako animaliekin, ehizakia harrapatzen den garaian ipiniko da zigilua.

Zigilua ipintzeko lekua honako hau izango da:

Basurdearen eta garatutako adarrik gabeko zerbidoen kasuan, atzeko hanketako batean.

Garatutako adarrak dituzten orein eta orkatz arren kasuan, animaliaaren adarretan.

Zigilua tinko estututa jarriko da plastikozko tira horzdunarekin; hala, ezingo zaio kendu apurtu edo hondatu gabe. Gutxienez, Arabako Lurralde Historikoan zehar garraiatzen den bitartean jarrita izango du zigilua aleak, eta harrapatutako oreinekin, baita ere, Arabako Foru Aldundiko langileek edo berak ardura emandakoek harrapaketen ikuskatzea egiten duten arte.

Zigilu hori gida gisa erabili ahalko da jatorria egiaztatu eta garraioa baimentzeko.

Zelata eta itxarote modalitateetan, ehiztariak zigilua berekin eraman beharko dute ehizak irauten duen denbora guztian.

Ehizatzeko denboraldia hasterakoan, Ehiza eta Arrantza Atalak zigiluak emango dizkie ehiza esparruei, dela zuzenean, dela kasuan kasuko esparru elkartearen bitartez; denboraldia bukatutakoan erabili gabeko zigiluak itzuli beharko dituzte.

Ehiza esparruen elkarteek beren esparruei esleitutako zigilu guztiak jasoko dituzte esparru horien artean banatzeko. Era berean, Ehiza eta Arrantza Atalari jakinaraziko diote esleitutako kupoaren arabera esparru bakoitzari eman zaizkion zigilu zenbakidunen zerrenda.

Elkarteetako kide ez diren ehiza esparruek emandako kupoei dagozkien zigilu zenbakidunak jasoko dituzte, banan-banan, Ehiza eta Arrantza Ataleko bulegoetan.

Zigilu bakoitzak ehiza esparru jakin bat izango du esleiturik, eta ezin izango da beste esparru batean erabili.



Harrapatutako animalien zigiluen zenbakiak harrapatze parteetan adierazi beharko dira, eta arrazoi justifikaturik gabe galtzeak ez du beste berri baterako eskubiderik emango.

Ehiza esparruen elkarteek eta elkarte horietako kide ez diren esparruek ehiztariei zigiluak banatzeko arduraren izango dute, bai eta Arabako Foru Aldundiko Mendi Zerbitzuari ehizaldien emaitzak jakinaraztekoa ere. Denboraldiaren amaieran, hura bukatu eta gehienez ere 10 eguneko epearen barruan, ehiza esparru guztiek bidali beharko dizkiote Arabako Foru Aldundiko Mendi Zerbitzuari erabili ez diren zigiluak.

4. artikulua.- Ehiza larriko uxaldiak arautzen dituen araudia.

Ehiza larriko uxaldiek ondoko idatz zatietan xedatutakoa bete beharko dute:

4.1 Taldeko kideak. Ehiza taldeetako tiro postu eta ehiztari-uxatzaile kopuruak foru arau honetan espezie bakoitzerako finkatutako araudi espezifikoan zehazten dira. Nola ehiztari armatuek hala uxatzaileek txaleko deigarriak eta erraz ikusteko modukoak izan beharko dituzte soinean uxaldiak dirauen denbora guztian, eta uxatzailearekin ibiliko den orok berekin izan beharko du dagokion erkidegoko ehiza baimena.

Hiru uxatzailek eskopeta eraman dezakete, animalia errematatzeko edo txakurrei eraso egitea saihesteko. Ordutegiaren arabera aukera badago, uxaldian bi harrapaldi egin ahal izango dira, eta armak zorrotik atera gabe eraman beharko dira ehiza postuetaraino.

Talde bakoitzak gutxienez bi koordinatzaile izendatu beharko ditu, eta horien identifikazioa Mendi Zerbitzuari emango zaio uxaldiak noiz egingo diren jakinarazten den momentuan.

4.2 Koordinatzaileen eginkizunak: uxaldiaren koordinatzaileek uxaldiaren antolamendu orokorra egin behar dute. Alegia, ibilgailuen joan-etorria arautu behar du, argibideetarako seinaleak jarri behar ditu, uxatzaileak banatu eta ehiza postuak non kokatu behar diren erabaki behar du, bai eta uxaldia noiz hasi eta bukatuko den zehaztu ere. Uxaldiaren akta izenpetu eta uxaldietako harrapaketen berriak zuzen betetzen direla ere ikuskatu beharko dute, baita modu ulergarrian sinatu ere. Pertsona horiek beren eginkizunak egitean nabaritu daitezkeen ez-betetzeen erantzuleak izango dira.

4.3 Uxaldien esleipena: Ehiza eta Arrantza Atalak bai esparru elkartei bai elkarteetako kide ez diren esparruei denboraldirako espezie bakoitzeko zenbat uxaldi esleitu zaizkien jakinaraziko die, bai eta uxaldiak nola egin xedatzeko arauak ere eta kasuan kasuko zigiluak.

4.4 Uxaldien egunak jakinaraztea: esparru bakoitzak Ehiza eta Arrantza Atalari eta Natura Ondarearen Zerbitzuari, hala badagokio, jakinaraziko die, gutxienez astebete lehenago, zein egunetan egingo diren uxaldiak, eta zer izen eta NAN zenbaki duten hura koordinatzeaz arduratuko diren pertsonak, titular nahiz ordezkodunak direla.

4.5 Uxaldiaren hasiera: uxaldia hasten da txakurrak askatzen diren unean, edo, txakurrik gabeko uxaldi isiletan, uxatzaileak lursaila uxatzen hasten direnean. Beraz, uxaldia ezin izango da bertan behera utzitzat jo une horretatik aurrera, edozein delarik ere uxaldia hasi denetik koordinatzaileek mendiko ehiza postuak kentzea erabakitzen duten arte igarotako denbora tartea.

4.6 Uxaldiak bertan behera uztea: eguraldia dela eta uxaldia bertan behera uzten bada, uxaldiaren



koordinatzaileek berehala eman beharko diote horren berri beren esparruko basozaintza partikularrari. Gainera, bertan behera utzi den egunaren osteko hurrengo egun baliodunean, esparruko ehiza aprobetxamenduaren esleipendun den pertsonak edo erakundeak Ehiza eta Arrantza Atalari jakinarazi beharko dio.

4.7 Uxaldiaren akta: uxaldietarako, espezifikoak edo mistoak izan, nahitaez bete beharko da uxaldiari buruzko akta edo agiri bat, ehizaldian izandako gorabeherak jasoko dituen. Agiri hori Mendi Zerbitzura bidali beharko du ehiztariak berak, edo dagokion elkartearen bitartez, erabilitako zigiluen orriarekin batera, uxaldiaren hurrengo hamar egunen barruan, nahiz eta uxaldia egin ez. Uxaldiaren akta horrek egun horretan uxaldiko koordinatzaile lanetan jardun duen pertsonaren edo pertsonen sinadura irakurgarria izan beharko du, haren edo haien izen-abizenak eta NANA argi adierazita. Beharrezkoa izango da pertsona horiek bertan egon izana.

Aktaren eremu guztiak bete beharko dira eta baliogabeak izango dira akta irakurtezinak, bete gabeak edo sinadura irakurgarria ez dutenak.

Orkatz uxaldietan, esleitutako orkatz eme eta arren kupoa agortu ez bada, harrapaketa agiri horiek aurkeztea nahitaezko baldintza izango da uxaldi gehiago egin ahal izateko.

4.8 Istripuz hildako animaliak: uxaldi batean, baimendutako ehizaki kopurua baino baten bat gehiago edo baimendutakoa ez den sexukoren bat hiltzen bada ustekabea, berehala jakinarazi beharko zaio basozaintzari. Animalia hori edo horiek hurrengo ehiza denboraldian esparruari esleituko zaion kupotik kenduko dira.

4.9 Debekuak: Ehiza Legean (martxoaren 17ko 2/2011 Legea) ezarritakoaren kalterik gabe, ezingo da petardo, klaxon edo pareko soinu elementurik erabili, ehizatu beharrekoak uxatzeko.

4.10 Uxaldiaren seinaleak, harrapaldi kopurua: ehiza larriko uxaldian, eremura iristeko bide eta sarbideetan informazio kartelak jarri beharko dira nahitaez, ezaugarri hauen arabera:

Neurriak: 50 cm x 35 cm

Materiala: Aluminioa, altzairu herdoilgaitza, PVC edo antzekoren bat.

Kolorea: Atzealde zuria, ertz gorriko triangelu bat (3,5 cm-ko lodiera), barruan basurde beltz bat duela.

Testua: KONTUZ/ATENCIÓN (goiko aldean)

UXALDIA (beheko aldean)

Testuaren kolorea: Beltza

Testuaren lodiera: 5 cm altuera

2 cm zabal



KONTUZ/ATENCIÓN



Uxaldia/Batida

5. artikulua.- Ehiza larriko zelataldiak arautzen dituen araudia.

Baimenen titularrak. Kasuan kasuko ehiza baimenak kuporako eskubidea duen esparru bakoitzak esleituko ditu, honako hauek indarrean dituzten ehiztarien artean: Araban ehizan aritzeko behar diren agiri guztiak eta, horiez gainera, ehiza esparruko bazkide txartela edo aprobetxamenduaren esleipendun den pertsona edo erakundearen baimen espres idatzia, zeinean ehiztariaren identifikazio datuak eta ehizan egiteko baimendutako egunak jaso behar diren. Agiri horiek eta kasuan kasuko zigilu zenbakiduna ehizaldi osoan aldean eraman behar dira.

6. artikulua.- Ehiza faunaren babes orokorra

Ehiza esparru batean aldi berean saltoan harrapatzen jardun dezake, gehienez ere, pertsona batek 100 hektareako. Muga hori ez da aplikatuko berehala ehizatzeke baimena duten askatzeen kasuan.

7. artikulua.- Baimendutako baliabideak

Ehiza espezieak harrapatzeke baimendutako baliabide bakarrak hauek dira: erriflea, eskopeta, arku eta behar bezala baimendutako ehiza hegaztiak eta hudoak. Baita ere, ehiza larriko ehizakiak errematatzeko bakarrik, arma zuriak ere erabil daitezke.

8. artikulua.- Segurtasun eta babes neurriak.

Ehiza modalitate guztietan, esparruan ibilgailuz egiten diren joan-etorrietan, arma une orotan hutsik eta kargatu gabe eraman beharko da, hau da, muniziorik ez daukala ez biltegian, ez ganberan. Gainera, zorroan



sartuta eraman beharko da arma.

9. artikulua.- Txakurren aisialdirako eremuak.

9.1 Ehiza esparruetan, Foru Aldundiaren sail eskudunak, ehiza aprobetxamenduaren titularrak edo esleipendunak eskatuta eta lurren titularraren adostasunarekin, ehiza txakurrak aisialdian izan daitezten eremuak baimendu ahalko ditu.

9.2.- Eremu horiek esparruaren edozein tokitan egon daitezke, erreserba eremuetan izan ezik. Segurtasun eremuetan egon ahalko dira, eta, ahal dela, animalia espezieentzat balio gutxiko ehiza lurretan.

9.3.- Ehiza Antolatzeko Plan Teknikoan zehaztuko da mugaketa hori. Ehiza Antolatzeko Plan Teknikoaren indarraldiarekin bat etorriko da, eta ehiza barrutiko ehiztariek baino ez dute erabiliko.

9.4. Txakurren aisialdi eremuetan muga hauek ezartzen dira:

Egun baliodunak eta ordutegia: ehiza xeheko eta debekualdi erdiko ehiza garai erabilgarrietan, jardueraren gaineko araudiak zehazten dituenak; garai horietatik kanpo, eguzkia irteten denetik sartzen den arte, egun baliodunen mugarik gabe.

b) Ehiztari bakoitzeko gehieneko txakur kopurua: denboraldi bakoitzeko foru araudiak ehiza xeherako ezartzen duen berbera izango da.

c) Ez da inola ere baimenik emango ehiza espezieak askatzeko, eta ezingo da suzko armarik eraman edo erabili.

9.5 Seinalizazioa. Txakurren aisialdi eremuak identifikatuta egon beharko dira, ezaugarri hauek dituzten seinaleekin:

a) Materiala: Altzairu herdoilgaitza, aluminioa edo zuntza

b) Neurriak: 50 cm x 33 cm (\pm ehuneko 10)

c) Atzealdea: Zuria

d) Testuaren kolorea: Beltza

e) Tipografia, gutxi gorabehera: 'Arial' letra mota edo antzekoa, 6 cm-ko garaierakoa

f) Legendak:

"TXAKURREN AISIALDI EREMUA"

(ehiza esparruaren matrikula edo eremu zinegetikoaren identifikazioa adierazi behar da)



II. ERANSKINA

ARABAKO LURRALDE HISTORIKOAN USO MIGRATZAILEAK ETA BIRIGARROAK OHIKO PASALEKUETAN EHIZATZEKO BALDINTZA ESPEZIFIKOAK EZARTZEN DITUEN ARAUDIA.

1. artikulua.-

Arau orokorrak

1.1. Ohiko pasaleku izango dira Arabako Foru Aldundiak urtero argitaratzen duen usoen eta birigarroen postuen zerrendan sartuta dauden postuak edo txabolak dituztenak (www.araba.eus).

1.2. Ehiza hegaz nahiz pausatuta egiten den beste edozein egitura artifizial legez kanpokotzat joko da, material naturalez eraikita egon arren.

2. artikulua. Tiro postu eta txaboletarako arau erkideak

2.1 Tiro postuak dira hegan doazenei tiro egiteko ehiztaria ezkututzen duten instalazio egonkor eta iraunkorrak. Instalazio horiek zurez, metalezko materialez eta beste material egoki batzuez eginak egongo dira.

2.2 Ehiztarienezako aterpe iraunkor edo egonkorrari esaten zaio txabola, baldin eta pausatua zuhaitzean dagoela, tiro egiteko leku aproposa bada.

2.3 Tiro postu eta txabola baimendu guztiak UTM koordenatuen bidez (Datum ETRS 89) zehaztutako tokian kokatu beharko dira, eta ehiza arloko eskumenak dituen foru sailak berariaz ezarritako zerrendan jasota egon. Halaber, behar bezala seinalatu eta zenbakituko dira lurrean.

2.4. Seinalizazioa

a) Legez baimendutako tiro postu eta txabola guztiak identifikazio plaka bana jarri beharko dute, ondoko ezaugarri hauekin: kolore zuria, esparruei buruzko 2. aginduaren antzekoa, eta hiru lerroko testu beltza, zeinak ondoko hau jakinaraziko baitu:

Ehiza esparruaren matrikula

Lerroaren izena

Tiro postuaren edo txabolaren zenbakia

b) Seinale horiek postu eta txaboletan jarri beharko dira eta han egongo dira usoak eta birigarroak ehizatzea baimenduta dagoen epe osoan zehar.

Usotarako postu lerroen inguruetako bide eta pistetan, nahitaezkoa da ehiza esparruaren edo postu lerroen adjudikazioa duten elkarte, klub edo pertsonen erabilerako denboraldi espezifikokoan uso postuak daudela jakinarazten duten seinaleak ipintzea, ehiztarien eta beste erabiltzaile batzuen artean arazorik sor ez dadin. Ondoren azaltzen den ereduaren arabera egingo dira seinale horiek:



Usotarako tiro postuetatik hurbil dauden baso bide eta pistetako seinaleen ezaugarriak:

Neurriak: 50 cm x 35 cm.

Materiala: plastikoa, altzairua edo aluminioa.

Kolorea: hondo zuriaren gainean gorritz marraztutako hirukia (5 zentimetro lodi), hiruki barruan ehiztaria beltz pintatua.

Testua: Goian: Kontuz / Atención.

Behean: Uso postuak / Puestos palomeros.

Testuaren kolorea: beltza.

Testuaren lodiera: 6 cm altu eta 5 cm zabal.

KONTUZ / ATENCIÓN



USO POSTUAK / PUESTOS PALOMEROS

2.5 Debekatuta dago usoak erakarri, uxatu edo nahastea helburu duen beste ezein egintzaz baliatzea, hala nola seinaleak, tiroak, txupinak edo haien ohiko ibilbidea aldarazteko asmatu-rikiko beste edozein jardunez, salbu eta txaboletan uso bizien abatak erabiltzea.

2.6 Debekatuta dago ehiza ibiltaria eta eskopetak zorrotik aterata tiro postu edo txaboletatik kanpo ibiltzea, salbu eta botatako ehizakiak jasotzera irteten denean; halakoetan, hutsik eramango da arma.

2.7 Debekaturik dago erabilitako kartutxoak basoan uztea; horregatik, neurriak ezarriko dira erabiltzen diren egunean bertan bil daitezten. Halaber, ezin izango da inolako zaborrik ez hondakinik utzi, ez tiro postuetan, ez txaboletan. Ehiza denboraldian kartutxoak uzteko ontziak egotea ez da abandonutzat joko.

2.8 Ehiza esparrua esleitu zaion erakundearena izango da erantzukizun zuzena (udala, administrazio



batzarra, ehiztari elkarteak, ehiza kluba, norbanakoa eta abar), ehiza esparruan ehizarako egitura baimen gabeak egonez gero (pantailak, aldamiok, tiro postuak eta txabolak, eta abar), edo postuen seinaleztapena arauz kontra egonez gero, edo seinaleztatzerik ipini ezean, edo ehiza esparruko postuetan eta txaboletan kartutxoak, zaborra, hondarrak eta material baimendu gabea egonez gero (metalak, plastikoak edo egurra, eta abar), edo ehiza esparruaren inguruko landaretzari era batera edo bestera eragiten bazaio (moztea edo inautzea) hartarako baimenik eduki gabe.

2.9 Tiro postu eta txabolak eraikitzean ingurumen eragin txikiena sortze aldera, ezingo dira ondoko materialak erabili: zementua, adreiluak, blokeak, baldosak, terrazoak, plastikozko toldoak, zoru plastifikatuak edo antzekoak. Horiek horrela, honako hauek baino ez dira baimenduko: berde mimetizatuko egurrezko edo metalezko aldamiok, landare panelak, lonazko toldoak edo egurrezko egiturak. Halaber, ezingo dira altzairuzko kableak zuzenean erabili zuhaitzen azalean, ez eta torlojuak edo iltzeak ere.

2.10 Tiro postu eta txabola berrien egiturak edo aldamiok erraz desmuntatzekoak izan beharko dira eta ezin izango dira lurlean finkatu zementuzko edo kareorezko zolen bidez edo euskarrien bidez, beharrezkoa bada erraz kentzeko modukoak izan daitezten. Egoera onean zaindu behar dira eta jausi edo hondatuz gero, berriro muntatu edo konpondu beharko dira.

2.11 Zuhaitzian tiro postuak edo txabolak eraikitzeo nahiz haiek eraikitzeo landaretza moztu edo inautseko Mendi Zerbitzuaren eta zuhaitziaren erakunde jabearen baimena eduki beharko da.

3. artikulua. Arabako Errioxako usategi postuei eta birigarroak "hegan" ehizatzeko ehizei buruzko arauak.

3.1 Itxaron lerro bereko tiro postuak 30 metrotik 30 metrora egongo dira gutxienez.

Horrez gain, baldin eta tarte hori 50 metro baino gutxiagokoa bada, indarrean den Ehiza Legearen Arautegiaren 53.6 artikuluan eskatzen den babes pantailekin horniturik egon beharko dute tiro postuek.

3.2 Lehenengo lerroaren aurretik ez da tiro posturik egongo 500 metroan. Atzekoetan batetik bestera, gutxienez, 120 metro izango dira.

3.3 Baimena jaso berri duten tiro postuetan, ostera, tiro postu horien eta bide publikoen artean 50 metro egongo da, gutxienez, baldin eta ohiko tiro norabidea bide publiko horretarantz bada. Ezin izango da usotarako txaboletatik 1.000 metrotik behera uso postu berririk egiterik onartu usoak hegan doazela harrapatzeko, kontuan izan behar baita txaboletatik ehiza mota espezifikoa egiten dela.

3.4 Pasalekuari perpendikular ehiza mugarik badago, tiro postuak mugatik 50 metrora egongo dira, ehiza lurren jabeek besterik adostu ezean.

3.5 Elkarren ondoan dauden tiro postu berri biren artean pasalekuari paralelo ehiza mugarik badago, tiro postuak, gutxienez, mugatik 100 metrora egongo dira, ehiza lurren jabeek besterik adostu ezean. Lerro berean egon eta elkarte, klub eta pertsona esleipendun biri dagozkien tiro postuen artean ere ehun metro egongo dira.

3.6 Tiro postuetan, gehienez, bina ehiztari egongo dira, eta hori akordiorik badago. Era beran, ehiztariak, gehienez, eskopeta bana erabili ahal izango dute. Eskopeta bat baino gehiago eramanez gero, erabili



gabeko eskopetak deskargatuta eta zorroan sartuta egon beharko du.

3.7 Bi tiro posturen artean interferentziarik egonez gero, antzinatasun handiena duenak izango du beti lehentasuna. Interferentzia dagoela ulertzen da baldin eta lehentasuna duen tiro postuaren eraginkortasuna murriztuta geratzen bada eta eragindako tiro postuen titularren artean elkarrekin ehizatzeko akordiorik ez badago.

3.8. Arabako Errioxan tiro postu finkoetatik birigarroak ehizatzeko arauak:

3.8.1 Tiro postu finkoetatik birigarroak baino ezin dira harrapatu.

3.8.2 Tiro postu baimendu berriei dagokienez, haien eta bide publikoen artean, 50 metro egongo dira behintzat, baldin eta ohiko tiro norabidea bide publiko horretarantz bada.

4. artikulua.- Txabolei buruzko arauak

4.1 Indarrean dagoen postu eta txabola zerrendan jasotako txabola baimenduetatik baino ezin daiteke uso bizien abataz ehizatu.

4.2. Txabola batetik “pausatuta daudela” bakarrik egin ahal izango da tiro.

4.3 Txabolen artean, gutxienez, 300 metro egongo dira. Bi tiro postu egon ahal dira txabolako, baina batetik baino ezin izango da ehizan jardun, eta gainera eguneko ehiza baldintzak kontuan hartuta. Txabola bereko bi tiro postuen artean 50 metro baino gutxiago egongo da eta behar bezala seinalatuta egongo dira.

4.4 Txabola bakoitzean, gehienez, bi ehiztari egongo dira, eta hori akordiorik badago. Era berean, pertsona bakoitzeko, gehienez, eskopeta bat erabili ahal izango da. Eskopeta bat baino gehiago eramanez gero, erabili gabeko eskopetak deskargatuta eta zorroan sartuta egon beharko du.

4.5 Txabola baimendu berriei dagokienez, haien eta bide publikoen artean, 50 metro egongo dira behintzat, baldin eta ohiko tiro norabidea bide publiko horretarantz bada.

5. artikulua.- Tiro postu eta txabolei buruzko baimenak eta aldaketak.

5.1 Tiro postu baten edo txabola baten egitura edo kokalekua aldatzeko, kasuan kasuko administrazio baimena beharko da. Aldaketatzat hartzen da tiro postua gorago eramatea, lekuz aldatzea, sastrakak eta zuhaiztiak garbitzea, etab.

5.2 Ehiza esparruen titular, elkarte, klub edo pertsona esleipendunek beren esparruko tiro postuetan eta txaboletan aldaketak egiteko baimena eskatu ahal izango dute. Aldaketa horiek izango dira bajak konpentsatutako altak, kokapen berriak eta goratzeak. Esparruko ehizaren jarraipen plana idatzi duen teknikariak egindako txosten baten babesa izan beharko dute eskaera horiek, baita titularraren oniritzia ere. Bost urtean behin baino ezingo dira egin eskaera horiek, baimendutako aldaketa egin zenetik, salbu eta justifikaturiko arrazoiren bat bada tarteko.

5.3 Esparru bateko tiro postuak edo txabolak aldatzeko eskaera bakar-bakarrik egingo da urte bakoitzeko



otsailaren 1etik eta maiatzaren 31ra bitarteko aldiaren barruan, bi egun horiek barne.

5.4 Ez da beste tiro postu edo txabolarik baimenduko, behar bezala arrazoitutako salbuespenik dagoenean izan ezik, erabiltzen ez diren edo gutxi erabiltzen diren beste batzuen bajarekin konpentsatu ezean. Neurri hori tiro postu eta txabolak ez ugaritzeko hartuko da, ez baita justifikatzen ez teknikoki ez ehizaren ikuspuntutik. Ez da inola ere salbuespen izango ehiztariak esparru batean ugaritu izanagatik tiro postu gehiago eskatzea.

5.5 Oro har, 700 metrotik behera ez da tiro postu berririk (hegan doazenei tiro egiteko) egiterik onartuko, salbu eta ehiza lurrok kota horretatik gora lurrik ez badute edo, izatekotan, baldintza teknikoak edo ehizakoak behar bezala betetzen ez badituzte baimena emateko.

5.6. Tiro postu edo txabolak berrietarako baimenei dagokienez, errentamendu aldia bukatuta duten ehiza esparruetako erakunde titularrek (udala edo administrazio batzarrak) baino ezin izango dituzte eskatu uso eta birigarrotarako beste tiro postu edo txabola batzuk, ehiza esparrua sortu edo eraberritzen duen foru agindua argitaratu baino lehen. Txosten tekniko batek bermatu beharko ditu eskaerak.

5.7 Baimenak urte birako emango dira, beste pertsona batzuei kalterik edo enbarazurik egiten ez zaiela egiaztatzeko.

III. ERANSKINA

BASURDEA (Sus scrofa) EHIZATZEKO BALDINTZA ESPEZIFIKOAK FINKATZEN DITUEN ARAUDIA

1. artikulua.- Aldi baliiodunak.

Urtero finkatuko dira aldi baliiodunak.

2. artikulua. Ehizagaiak.

Ehizagaiak arrak nahiz emeak izango dira, edozein adinetakoak.

3. artikulua.- Tiro egiteko arauak.

Ezin izango zaio tiro egin taldeko lehenengo animalari edo gidariari, ez eta atzetik kumeak dituzten emeei ere.

4. artikulua.- Ehiza modalitateak.

Basurdeak uxaldian, zelatan arkuak erabilia, itxaronda eta saltoan harrapatu ahalko dira.

4.1- Ehiza saltoan

Saltoan, eskopetarekin baino ez eta balaz, gehienez ere lau txakurrekin eta hiru ehiztarirekin txaleko deigarriak eta erraz ikustekoak soinean jarrita, harrapatu ahalko dute hala egin nahi duten esparruek, betiere



bakoitzak ehizako bere jarraipen planean hala adierazita.

Ehiza esparru ez diren lurretan, bakarkako ehiza baimendu ahal izango da horretarako egokiak diren eremuetan, ondoko baldintza hauekin:

- gehienez ere bakarkako ehizako talde bat 100 ha-ko.
- bertoko ehiztariak lehentasunez.
- aldez aurreko eskaera eta Ehiza eta Arrantza Atalaren baimena

4.2 Zelata ehiza.

Zelatan ehizatzea nahi duten esparruek hala jakinarazi beharko dute beren ehiza jarraipeneko planean. Goiko postu finkoetatik egin ahal izango da.

Modalitate hori argi hastea baino ordu erdi lehenagotik egin daiteke, iluntzea baino ordu erdi geroago arte.

Postuek beren kokalekuaren arabera eskumena duten agintarien baimena eduki beharko dute.

4.3 Uxaldi ehiza.

Ehiza taldeetako postu kopurua gutxienez hamabi izango da. Gutxienez, hamar txakur izan beharko dituzte, eta ez da mugarik ezartzen, ez behetik eta ez goitik, uxatzaile kopuruarentzat.

EAEko Ehiza Legeak (2/2001 Legea) 23. artikuluan xedatutakoa aplikatuz, eta egungo populazio egoerak irauten duen bitartean, pertsonen eta soroei kalterik ez egiteko, uxaldiak egin ahal izango dira esparruetako erreserbaguneetan. Egitate hori jaso beharko da eskabidean.

IV. ERANSKINA:

OREINA (Cervus elaphus) EHIZATZEKO BALDINTZA ESPEZIFIKOAK FINKATZEN DITUEN ARAUDIA

Kontuan hartuta araudi orokorra eta Gorbeia parke naturalean oreinak (Cervus elaphus) antolatu, jarraitu, kontrolatu eta kudeatzeko plana, oreina ehizatze araudi espezifikoa ezarri behar da, artikulua hauetan xedatutakoaren arabera:

1. artikulua.- Eremua.

Arabako Lurralde Historikoan, honako ehiza esparru taldeetan egon ohi da espezie hori eta honako gune hauek zehazten dira oreinen kudeaketarako zona: Gorbeia zona, labore lur landuen zona, Araka zona, Arrato zona, Badaia zona eta mendebaldeko zona.

Harrapaketa kupoak esleitzeko, kontuan edukiko da espezie hau lurraldeko beste zona batzuetan agertzen den.

Gorbeia zonaren barruan, oreina kudeatzeko unitate bat zehazten da. Hona hemen mugak (azpiegiturak):



Bizkaiarekiko probintzia mugatik, AP-68 autobidetik, N-622 autobidearekiko elkargunera arte, N-622 autobidetik Murgiraino eta aurrerago A-3610 errepidetik Gopegiraino Zarate eta Manurgan zehar; Gopetigik, A-3608 errepidean zehar N-240 errepidearekiko bidegurutzeraino Muruan eta Etxaguenen zehar; N-240 errepidetik iparralderantz Bizkaiarekiko probintzia mugaraino.

2. artikulua.- Baimendutako aldia

Urtero zehaztuko dira zeintzuk diren baimendutako aldiak.

3. artikulua.- Ehizagaiak.

Edozein adinetako orkatz arrak zein emeak ehizatuko dira.

4. artikulua.- Tiro egiteko arauak.

Debekatuta dago zona orotan emeak ehizatzea, atzetik urteko kumeak dituztenean. Era berean, ezin izango zaio tiro egin eme gidariari, hau da, ihesaldian buru den eta taldea zuzentzen duen emeari.

Arrei dagokienez, ehiza esparru bakoitzari kupoa jakinaraztean adierazten zaizkion tiro irizpideak aplikatuko dira.

5. artikulua.- Kupoak eta aleak.

5.1 Ehiza eta Arrantza Atalak elkarteei eta elkartu gabeko ehiza esparruei jakinaraziko die zein den artikulua kupoa aurreko 1. apartatuan aipatutako zonetako ehiza larriaren esparru guztietarako, bai eta eme kupoa ere Gorbeia zonan oreina kudeatzeko unitatean.

5.2 Oreinaren kudeaketa eremutik kanpo, emeak eta kumeak hil ahal izango dira, kupo mugarik gabe.

6. artikulua.- Ehiza modalitateak.

Oro har, oreinak arrak nahiz emeak direla, ehiza mota hauek baimentzen dira: uxaldian, tiro postu finko garai batean nahiz lurraren arrasean itxaroten, eta zelatan.

6.1 Uxaldi ehiza.

6.1.1.- Uxaldiak mistoak izan daitezke (orkatzetarako, basurdetako edo horietako bietako baimendutako ehizaldiekin batera egiten badira), edo espezifikokoak oreinak ehizatzeakoak (harrapatzeako espezie bakarra oreina bada).

6.1.2 Uxaldi misto bidez ehizatzea aukeratuz gero, Mendi Zerbitzuari horien berri emateko orduan, oreinak harrapatuko diren basurde edo orkatz uxaldi baimenduen datak edo uxaldi espezifikoen datak adierazi beharko dira.

6.1.3 Uxaldi espezifikokoak: ezingo dira egin ehiza esparruan orkatz edo basurde uxaldiak baimenduta dauden egunetan. Uxaldi horietarako ehiza taldeak, gutxienez 6 ehiztarik eta gehienez 10 txakurrek osatuko dituzte. Uxaldiak 100 hektarea baino gutxiagoko eremuetan egingo dira. Ereku horretan, kupoa bete arte,



nahi beste harrapaldi egin ahal izango dira.

6.1.4 Uxaldi espezifikokoak eta mistoak egiteko, foru agindu honen I. eranskineko 3. artikuluan xedatutakoa bete beharko da, bertan ezartzen baita ehiza larriaren uxaldiei buruzko araudi orokorra. Uxaldi mistoek foru agindu honen II. eranskinean basurdeak uxaldian ehizatzekeo xedatutakoa bete beharko dute.

6.2 Zelatan eta itxaronez edo zain egonez ehizatzea.

6.2.1 Zelatan egiten den bitartean oreinen bat zauritzen bada, ezin izango zaio beste bati tiro egin. Gainera, ehiztaria behartuta egongo da zauritua bilatu eta hiltzera. Zelatan diharduen pertsona bakoitzeko odol arrastoko txakur bat erabil daiteke, baina arrastoei jarraitzeko eta zauritutako animaliak ehizatzekeo baino ez. Zauritutako oreina aurkitzen ez bada ere, finkatutako kupotik deskontatuko da.

Zelatan eta itxaronez edo zain egonez ehizatzekeo egun baimenduak izango dira espeziea ehizatzekeo baimendutako aldiko ostiral, larunbat, igande eta jaiegunak.

6.2.2 Ezin izango da zelatarik egin uxaldia egiten ari diren lekutik 500 metro baino gutxiagora.

7. artikulua.- Harrapaketak jakinaraztea.

Oreinen ehiza mota guztien emaitza Ehiza eta Arrantza Atalari jakinarazi beharko zaio, baimenean zehazten den moduan.

8. artikulua. Aldaketa.

Kanpainaren emaitzak ikusirik, baimendutako ehiza kupoen eta egindako harrapaketen artean alde handia egonez gero, Nekazaritza Sailak aplikatu daitezkeen formula teknikoak aztertuko ditu desoreka hori eta bere ondorio kaltegarriak zuzentzeko.

V. ERANSKINA

ORKATZA (Capreolus capreolus) EHIZATZEKO BALDINTZA ESPEZIFIKOAK FINKATZEN DITUEN ARAUDIA

1. artikulua.- Ehizagaiak.

Edozein adinetako orkatz arrak zein emeak ehizatuko dira.

2. artikulua. Orkatza edozein modalitatetan ehizatzekeo baimenen banaketa.

2.1 Behin emeak ehizatzekeo aurreko denboraldiko neguko ehizaldia bukatuta, Ehiza eta Arrantza Atalak Araban dauden ehiza esparruen elkarteei, elkarte horien kide ez diren esparru eskatzaileei jakinaraziko die zein ar eta eme kopuru dagokien hurrengo denboraldirako, eta nahitaezkoa izango da aurreko denboraldian esparru bakoitzean egindako harrapaketak jakinaraztea, kupoa esleitu ahal izateko.

2.2 Ehiza denboraldi bakoitza bukatu eta hurrengo 10 egunetan gehienez ere, ehiza esparruen elkarteek eta elkarte horien barruan ez dauden ehiza esparruek erabilitako zigiluen gordekinak bidaliko dituzte, haien



fitxa biometrikoekin batera, ezarritako ereduari jarraituz. Ehizaldia uxaldian egiten bada, zigiluetako babesak kasuan kasuko uxaldi agiriekin batera bidali beharko dira, eta ez da beharrezkoa izango fitxa biometrikoa betetzea.

2.3 Era berean, erabili gabeko zigiluak bidali beharko dituzte denboraldia amaitu eta hurrengo 10 eguneko epean.

3. artikulua.- Ehiza modalitateak.

Baimendutako ehiza modalitateak, animalia arrak nahiz emeak direla, hauek dira: uxaldian, tiro postu finko garai batean nahiz lurraren arrasean itxaroten, eta zelatan.

4. artikulua.- Zelatan ehizatzeako araudi espezifiko osagarria.

5.1 Ezin izango da zelatarik egin uxaldia egiten ari diren lekutik 500 metro baino gutxiagora.

5. artikulua.- Uxaldi modalitatean ehizatzeako araudi espezifiko osagarria.

5.1 Uxaldiak mistoak izan daitezke (oreinetako, basurdetako edo horietako bietako baimendutako ehizaldiekin batera egiten badira), edo berariaz orkatzak ehizatzeakoak (harrapatzeako espezie bakarra orkatza bada).

5.2.- Uxaldi misto bidez ehizatzea aukeratuz gero, Mendi Zerbitzuari horien berri emateko orduan, orkatzak harrapatuko diren basurde edo oreinen uxaldi baimenduen datak edo uxaldi espezifikoaren datak adierazi beharko dira.

5.3.- Uxaldi mistoek foru agindu honetan basurdeak uxaldian ehizatzeako xedatutakoa bete beharko dute.

5.4 Orkatzen uxaldi espezifikoak: orkatz eme zein arren edo emeen uxaldi espezifikoak ezin izango dira egin ehiza esparruan orein edo basurde uxaldiak baimenduta dauden egunetan.

5.5.- Uxaldi espezifiko horietarako ehiza taldeak, gutxienez, 5 ehiztarik eta, gehienez, 20 ehiztarik osatuko dituzte. Txakurrik ez erabiltzea (uxaldi isilak) edo txakur txikiak erabiltzea gomendatzen da. Uxaldiak 100 hektarea baino gutxiagoko eremuetan egingo dira. Ereku horretan, kupoa bete arte, egunean nahi beste harrapaldi egin ahal izango dira.

6. artikulua.- Fitxa biometrikoa.

Animaliak, zigilatutakoan, neurtu eta pisatu egingo dira, eta horretarako fitxa biometrikoa beteko da, ezarritako ereduaren arabera. Fitxa hori behar bezala beteta aurkeztu beharko da, dagokion zigilu zatiarekin batera, ehizaldia egin eta gehienez ere 10 eguneko epean, ehiza esparruen elkarteetan, ehiza esparrua horietako bateko partaide bada, edo Ehiza eta Arrantza Atalean, gainerako ehiza esparruen kasuan.